



**TUANKU SYED SIRAJUDDIN
PUTRA JAMALULLAIL**

Raja Perlis pelawa pelabur ke Perlis

UM/21.9.14/2/1A/PS.

KUALA LUMPUR 20 Sept. - Raja Perlis, Tuanku Syed Sirajuddin Putra Jamalullail mempelawa para pelabur untuk melihat potensi negeri Perlis sebagai lokasi pelaburan mereka.

Sehubungan itu, baginda berharap anak-anak Perlis yang terlibat dalam kegiatan ekonomi agar bersama rakan-rakan pelabur mereka memilih Perlis untuk melabur.

Bertitah pada majlis Malam Perlis anjuran Persatuan Perlis Kuala Lumpur (PPKL) di Pusat Konven-

syen Sime Darby di sini malam tadi, Tuanku Syed Sirajuddin turut berharap wawasan Perlis Maju 2015 akan tercapai melalui lonjakan momentum kemajuannya.

Wawasan yang digubal pada 2004 itu merupakan matlamat penting dalam menentukan prestasi pembangunan sosioekonomi Perlis ke arah membantu pencapaian misi nasional Wawasan 2020.

Baginda turut memuji PPKL yang mengambil inisiatif bekerjasama dengan Universiti Malay-

sia Perlis (UniMAP) dan kerajaan negeri bagi menjayakan Persidangan Profesional dan Intelek Perlis (PROLIS) edisi ke-2 pada April lalu di sini.

Hasil persidangan itu titah baginda, telah berjaya menyalurkan idea dan input yang bernas untuk pembangunan negeri Perlis.

Turut berangkat ke majlis itu ialah Raja Perempuan Perlis, Tuanku Tengku Fauziah Tengku Abdul Rashid; Raja Muda Perlis, Tuanku Syed Faizuddin Putra Jamalullail dan Raja Puan Muda Perlis, Tuanku

Hajah Lailatul Shahreen Akashah Khalil.

Yang turut hadir Menteri Besar Perlis, Datuk Seri Azlan Man.

Majlis dihadiri 650 tetamu itu diserikan dengan nyanyian Datuk Siti Nurhaliza dan Datuk Jamal Abdullah yang diiringi kombo RTM pimpinan Datuk Mokhzani Ismail.

Persembahan Awang Batil turut diadakan oleh pewaris penglipur lara itu, Romli Mahmud dan penggesek biola tersohor Perlis, Che Mat Che Long. - BERNAMA